



UNIVERSITÄTS-
BIBLIOTHEK
PADERBORN

**Litterae Societatis Iesv E Regno Sinarvm Annorum MDCX.
& XI. Ad R. P. Clavdivm Aquauiuam eiusd. Societatis
Præpositum Generalem**

Trigault, Nicolas

Avgvstae Vindelicorvm, 1615

Quæ ratione Sinæ Calendarium suum emendent.

[urn:nbn:de:hbz:466:1-68733](#)

deinde motus habent etiam definitos atque ita sua omnia metiuntur: motus, quem scilicet assig-
nant, tribus millionibus sexcentis quinquaginta
duobus millibus, quadringentis vigintiquinque
minutis definitur. hactenus in hunc modum
supputarunt, nihil aduertentes utrum planetarū
motus ita varius, annui spatij sit in eodem, an di-
uersis cælis, nec meminerunt unde velocitas eo-
rum tarditasque nascatur; ceteras etiam plane-
tarum proprietates omnino ignorant, cum ut
supra diximus præter supputationum tabulas,
ad definiriendas Eclipses motusque planetarū,
nullos alios libros habuerint ad nostra usque
tempora.

Quæ ratione Sinæ Calendari- um suum emendent.

Ex eo quod nullam planetarum theoriam
norint, sed solum eas quas nunc dicebamus sup-
putationum tabulas, fit ut nulla neque arte, ne-
que lege errores motuum cælestium ad verita-
tis normam possint redigere, qua in re fastorum
Sinensium reformatio posita est; sed tamen hoc
practicè faciunt in hunc modum: stylum in-
gentem ad perpendicularm erigunt altum octo
passibus, eumque in gradus ac minuta distribu-
unt, deinde triduo ante solstitionem hybernum
(à quo ipsi suas omnes observationes inchoant,
vt Eu-

ut Europæi ab æquinoctio verno) quotidiè umbram notant, eiusque gradus ac minuta, idem faciunt post solsticium triduo, atque ita ex utrisque umbris facile intelligunt quo sex illorum die, qua hora, quo quadrante solsticium reuera fuerit, id in varijs regni partibus factitiant in tribus quatuorū solsticijs nihil tempori vel sumptui parcentes, in eoque negotio maximi vrbis regiæ Magistratus occupantur: Et hoc præcipuum est huius correctionis opus, nam reliquum tempus in æquandis planetarum motibus iuxta factam correctionem terunt, inque contemplandis è colle sideribus, in quo instrumenta Mathematica, sanè magnifica visuntur.

In annalibus eorum legitur fastorum Sinensium ut initio dixi correctionem quinques supra quinquages factam; sed celeberrima fuisse fertur ea, quæ ante trecentos annos à Nobili illo Sinarum Mathematico instituta est, qui non solum solsticium hybernum definiuit, sed locorum altitudines, quas Sinæ vix norant determinauit: & quoqiam Rex eo tempore Tartarus, Sinis Imperabat, ferunt eum in Tartariam ad sexaginta septem eleuati poli gradus penetrasse, ex parte verò australi ad decimum nonum ad ortum quoque & occasum eum peregrinatum fuisse, hacque in re annos sedecim triuisse, causa verò cur hanc correctionem sui Calendarij Sinæ tanti æstiment hæc est:

in die-

in dierum electione, negotiorum quæ aggreduntur prosperos aut aduersos euentus sitos esse arbitrantur, si fasti eorum à motuum cælestium cursibus aberrant, fieri poterit ut is dies quem fasti designant reuera sit alias, isque fortasse pro fortunato sit infelix, & pro fasto nefastus; quod si contigerit, regnum vniuersum necesse est perturbari: hinc videri potest quanti nostros faciant, qui rem tanti à se æstimatam credere externis non dubitarint; & fortasse Dominus hanc nostris occasionem ingessit, ut hanc dierum electionem vanam esse persuadeant.

De erroribus fastorum Sinensium quos emendari necesse est.

Quapropter cum careant Epacta, numero Auro, Cyclo solari & alijs quæ in Calendario nostro reperiuntur, sit ut tota fastorum Sinensium corrigendorum difficultas, in duobus sita sit; Alterum est in præcessione æquinoctiorum, quam Sinae Sui cha vocant, id est, error anni, alterum in motibus planetarum probè cognoscendis, ad Eclipsium supputationem. Præcessionis æquinoctiorum meminerunt Sinae, non quia asserant octauam sphæram motu trepidationis ferri, vel quod præter primi mobilis cursum, quo rapitur, alio proprio ac repugnante feratur, sed hanc tamen